

وش جابني لرسوم الاطلال يا سعود  
واوجاع نبش الذكريات الحزينة  
سويت في نفسي خطا غير مقصود  
كنى غشيم بأصبعه سد عينه  
عز الله ان الخط واسع وممدود  
والهزعة من الخط ما هيب زينة  
لا باغي حاجة ولا نيب محدود  
مير اللقاقة ويا ليتها غبينة  
طبيت جو كن ما طبه الرود  
مهجور رغم ان العرب نازلينه  
يشرف عليها من العفاريت نمرو  
حامية كنه حامي له حزينة  
دار ستن اثاره قبل عدة عقود  
من داج به تحرم عليه السكنية  
ما فيه معلم غير ساقيه موجود  
بينه وبين الريح رفة متينة  
قوع السلم والطلح يرعا بها الدود  
كن الخشب ضاربه الغرغرينا  
تقوم مرشوش على الارض بارود  
اشهب ومسحوقة دقاق طحينية  
وقفت مستوحش وهو يوحش بزود  
والمنظر المطبوع بالفكر وينه  
هذا مراح البل وذا مسجد العود  
باقي من احجاره على الارض عينه  
له من ملايكنه مساكين وشهود  
مضارب كفوفه وسجة جبينه  
وهذا ما كان اللي بالإطناش مشدود  
بارك على العمدان كنه سفينة  
خياله اشوفه وباقيه مقفود